

水經注疏要刪卷十四

宜都楊守敬撰

灤餘水

經濕餘水出上谷居庸關東

右一

王念孫曰灤省作潔與濟濕之濕相亂因譌而爲濕又譌而爲溫濕字俗書作湿溫字俗書作温二形相似而誤

經又北屈東南至狐奴縣西入于沽河

右三

熊會貞曰據此注灤餘水於狐奴縣西南入沽又沽水經南過狐奴縣北西南與灤餘水合注云沽水南逕狐奴城西又南灤餘水注之則灤餘水入

要刪卷十四

一

灤餘水

沽在狐奴西南不在狐奴西此經文西下脫南字

沽水

注南即陽樂水也出且居縣

右四

按此水今猶謂之陽樂河今本漢志作樂陽誤

注又逕赤城西屈逕其城南

右五

熊會貞曰古赤城即今赤城縣治陽樂水在赤城之南數十里不能逕其西蓋有錯簡此十字當在上文又東南流注陽樂水上緣候鹵水在陽樂水之北故能逕赤城西又逕赤城南也

注河水又東南右合高峯水

右五

熊會貞曰右當作左

注晉封劉禪為公國

左五

蜀志後主傳景元五年三月丁亥使太常嘉封劉禪為安樂公華陽國志後主志封安樂縣公而上庸郡有安樂縣咸熙元年為公國封劉主然上庸郡屬縣五有六縣當是不數公國晉志無此縣而幽州燕國有安樂國相云蜀主劉禪封此未能定為孰是

注教民植種

左五

後漢書本傳作勸民耕種植字是耕字之誤

要刪卷十四

二 活水

注麥秀兩岐

右六

東觀漢記亦作秀按本傳作穗光武諱秀則以作穗為是

鮑邱水

注水西南流注之

右八

熊會貞曰水上趙增桑谷二字戴增一字皆非也當增其字即謂石門水下文又西南逕獮平城東南而右注鮑邱水則謂三城水也

注鮑邱水東南逕漁陽郡治也

右八

熊會貞曰注有脫文戴氏作逕漁陽故城南則非

經明言過漁陽縣東則此注必亦云經漁陽東無疑

注王莽更名通潞

右八

朱箋引王莽名潞縣曰通潞亭以見此郡不應作通潞然閩本汪本漢志並作通潞與注文合惟毛本作北順與右北平莽曰北順複其誤無疑

注首受灤水于戾陵堰

左八

魏志劉馥傳作戾渠陵據此當作戾陵渠

注水出右北平無終縣西山白楊谷西北流

右

熊會貞曰以今水道證之西山當作北山西北流

要刪卷十四

三

鮑邱水

當作西南流

注北海河東

左

齊召南據恩澤侯表謂文穎注河下當脫間字城爲郡字之誤其說似是但史表注引文穎亦作北海河東與此注合且漢表言初封二千三百五十戶史表作三千戶後益封萬七千戶史表作二萬戶斷非一城所能有而北海河間東郡三郡戶五十餘萬亦何至盡以予博陸其時河間尙爲王國又何能以與博陸則似作北海河東二郡者尙爲近之然其劃分二郡爲霍氏食邑今不可考矣

注今其居山之陽

左^上

熊會貞曰趙改爲今在且居山之陽戴從之今下增城字亦未考此地去且居縣甚遠此亦戴襲趙之證一統志引作在君山之陽亦未詳何據

注又東南流逕平谷縣故城西

左^上

熊會貞曰當作西南

注昔田子泰避亂居之

左^上

按作子泰者從魏志耳范史劉虞傳注作子春淵明擬古詩聞有田子春亦謂田疇則作春是

注與石一斗令種之玉生其田

左^上

要刪卷十四

四

鮑邱水

種玉事又見藝文類聚_{八十}引孝子傳云北平陽公輦水作漿兼以給過者公補履屨不取其值天神化爲書生問云何不種菜曰無菜種卽與數升公種之化爲白璧餘皆爲錢得以聚婦與搜神記異

注陽氏譜敘

左^上

陽氏譜敘隋志不著錄

注灑水又西南入庚水地理志曰灑水出俊靡縣南至無終東入庚水

左^上

熊會貞曰酈氏明言灑水西南入庚水又引漢志

東入庚水而不言其相違之故以今水道證之西南是而東非也可知酈氏所見漢志本作南入庚水

注鮑邱水又東逕右北平郡故城南

右

熊會貞曰據魏志田疇傳前漢之右北平郡治平岡無疑據注上文秦治無終據郡國志後漢治土

垠

地形志土垠有北平城

秦與後漢似有二城然考括地志

漁陽郡東南七十里有北平城以燕山爲板築一統志謂卽秦右北平郡治宋氏琬云括地志所言當在今薊州玉田縣界此後漢之右北平是秦與後漢爲一城且注引魏土地記三言右北平城皆指一地言益足徵無二城矣蓋秦爲無終縣地漢析置土垠又爲土垠縣地也

濡水

經濡水從塞外來東南過遼西令支縣北

左

按濡爲渙之誤段氏經韻樓集王氏讀書雜誌皆詳辨之讀者幾欲盡改水經注之濡爲渙然有疑者說文有故安之濡水而無令支之渙水

說文渙湯也

玉篇亦然師古於漢志故安下又明背說文以乃官音之廣韻乃于十虞二十五寒兩收濡字皆云

水出涿郡其十虞之濡本說文舊音二十五寒之濡卽師古音也又何不檢水經注而以出遼西之濡當之耶逮至集韻始出湏字奴官切水名在遼西肥如又云或作濡余意丁度等以濡字奴官之音不見古書而遼西之濡水實有此音又見從水之字適有此奴官切之湏字形復相近故以意定之如王念孫以奐需相混之說而不敢沒舊文又載或作濡者卽指水經注也大抵丁度段王所訂至爲確鑿但相亂已久恐酈氏原本已是作濡而爲奴官切至師古於漢志之洫音呼鴟反直是郢

要刪卷十四

六

濡水

書燕說竟不讀水經注誰謂班掾功臣耶

注要水又東南流逕白檀縣而東南流入于濡

欂

舊說要陽在密雲縣東南六十里白檀在密雲東北七十里此皆北魏所移徙若漢之要陽在承德府西漢之白檀在承德西南重脩一統志已考得之畿輔通志亦云二縣在密雲東北塞外此則與水經注無不合酈氏持節籌宜六鎮往來上都故於此水言之甚悉若必謂要陽在密雲之南亦考其地有要水否戴氏何不思之甚耶

注西藏水又西南流東藏水注之

欂

熊會貞曰西藏惟東南流則中藏東藏南流可以注之若西藏西南流中藏東藏南流安能注之乎西南爲東南之誤無疑

注水出東溪一曰東藏水西南流出谷

左

按一曰東藏水五字疑衍文

注亂流右會龍泉水

左

熊會貞曰下文云水出東山西南流注三藏則在三藏之左此右會爲左會之誤

注西入五渡川

右

按上文旣敘濡水納五渡川後與高石水合則不

要刪卷十四

七

濡水

得云西入五渡川而後入濡水疑此五字爲衍文

注言盧龍山在平岡城北殊爲孟浪

左

魏志田疇傳舊北平郡治在平岡道出盧龍達於柳城自建武以來陷壞斷絕垂二百載而尙有微徑可從按平岡後漢廢故庾仲初不得其詳

注水出東北陽樂縣

左

郡國志遼西郡治陽樂後漢書趙苞傳爲遼西太守迎母到郡道經柳城則漢陽樂在柳城之東矣此陽樂一統志謂在撫寧縣西魏晉時移置是也而酈氏敘遼西郡治於此何能經柳城東耶戴

氏因上下文皆言某溪遂於縣下增溪字然實不必增

注盧子之書

存

此四字疑有誤

注又南與溫水合水出肥如城北西流注于玄水

石三

熊會貞曰玄水逕肥如城南而西南流若溫水出城北而西流如何能注玄水當作水出肥如城東北西南流注于玄水

注陳壽魏志以通河海也

存

武帝紀建安十一年從洵河口鑿入潞河名泉州

要刪卷十四

八

濡水

渠以通海魏志無河字戴據刪不知此今本魏志脫也酈氏於鮑邱水引魏志亦有河字蓋謂呼沱河也戴氏於彼不刪河字於此獨刪之何耶

注漢高祖六年封搖毋餘爲侯國

存

按索隱說亦非也彼意以廣州之海陽當爲漢縣而志無之不知當高帝時其地屬趙佗漢安得取以爲封國楚策蘇秦說楚王曰東有夏州海陽盧藏用云在廣陵東兩漢無海陽縣而前漢臨淮郡有海陵縣晉無海陵縣而廣陵郡有海陽縣宋志海陵前漢屬臨淮後漢晉屬廣陵然則晉之海陽

卽漢之海陵亦卽楚策之海陽今泰州治搖毋餘之封差爲近之

注又東南至叅縣碣石山 文穎曰碣石在遼西叅縣

左

地理志曰大碣石在右北平驪成縣酈氏合文穎班固說爲一是也詳余晦明軒稿

注王莽改曰碣石也

右

王莽改驪成爲碣石正以碣石在驪成之故豈與大碣石參異同今本漢志誤作揭賴有酈注以正之趙戴反據誤本漢志改酈書慎矣

要刪卷十四

九

濡水

注濡水于此南入海而不逕海陽縣西也

左

地理志作南入海陽誤當作南至海陽入海

注至卑耳之溪有贊水者

右

按管子房注云贊水謂贊引渡水者卽所云豈山之神走馬前導也酈氏以卑耳贊溪分爲二水誤矣

注從左方涉其深及冠右方涉其深至膝已涉大濟

右

說苑作左方渡至踝從右方渡至膝已渡事果濟注然卑耳之川若贊溪者亦不知所在也

右

熊會貞曰贊溪當卽漢志之賓水以形近錯出

大遼水

經大遼水出塞外衛白平山

左

按郡國志注引山海經亦云遼水出白平山

注公孫淵遣將軍畢衍拒司馬懿于遼隊

右

畢衍魏志淵本傳作卑衍當誤

注應劭曰今昌黎也

右

昌黎縣之廢當因爲公孫氏所據後漢志昌遼爲昌黎之誤顧亭林已言之畢氏敘趙書又引十三州志以證之其說不可易齊次風引鮮卑傳謂後

要刪卷十四

十

大遼水

漢名扶黎又改昌黎趙氏又直以扶黎當昌黎皆非也其實扶黎是續志屬國之無慮詳見余晦鳴軒稿

注以柳城之北龍山之南福地也

左

十六國春秋前燕錄作龍山之西遼史亦作南蒙古游牧記云考龍山故城爲今三座塔若以龍城在山之西則龍山當在三座塔城東境若龍城在山之南則龍山又當在三座塔北境今考水經注載白狼水先東北流逕龍山之西然後北流逕黃龍城東則龍山當在龍城之東迤南可知也據游

牧記謂黃龍卽慕容皝之龍城而汪圖分爲二圖黃龍城於白狼水北圖龍城於白狼水南恐非按地形志營州治和龍城和龍城卽慕容皝和龍宮之城也是黃龍城卽龍城不得分爲二審矣又地形志龍城縣下眞君八年併柳城屬焉是龍城柳城爲二城蓋慕容皝改柳城爲龍城乃廢柳城別置龍城至魏初復置柳城眞君八年仍廢柳城入龍城也

注渝水首受白狼水

右

熊會貞曰漢志渝水首受白狼不言白狼水則白

要刪卷十四

十一

大遼水 小遼水

狼指縣言謂渝水出白狼縣也漢志如此者甚多

如無陽下無水首受毋斂皆指縣言與首受白狼受青
嶺定周下水首受毋斂皆指縣言與首受白狼受同
又增食下驩水首受牂柯東界毋掇下橋水西受
橋山嵩唐下周水首受徽外西隨下糜水西受徽
外亦指 酈氏增出水字恐非班意
地言

小遼水

注故謂之爲梁水也

右

遼史太子河一名東梁河疑此脫東字

經西南至遼隊縣入于大遼水也

左

此當依朱本在小遼水所出下不必另爲一條蓋
注文連敘入大遼水也

涿水

注若涿水東流無渡涿之理其地今高句麗之國治
余訪蕃使言城在涿水之陽

存

趙氏引應劭說以險瀆爲朝鮮王都按險瀆屬遼
東安得在此應劭固非臣瓚知涿水在樂浪而又
牽合險瀆亦非也 括地志平壤城卽王險城古
朝鮮也後漢書注王險城卽平壤以後則無不以
爲典據者大抵皆本此注蕃使言城在涿水之陽
爲說余讀史漢朝鮮傳而知王險在涿水之南平
壤城非王險城也其證有四涿水今大同江也平

要刪卷十四

十二

涿水

壤城在大同江之北而史漢並言滿渡涿水都王
險證一也樓船將軍楊僕從齊浮海至列口

蘇林曰縣

度海先得名之

左將軍荀彘由遼東是漢以樓船由水道

攻其南左將軍由陸路攻其北樓船先至王險軍
敗遁山中進退皆不言渡涿水左將軍擊朝鮮涿
水西軍是荀彘與朝鮮戰尙在涿水之西未能至
王險城證二也右渠願降遣太子入謝方渡涿水
太子疑左將軍詐殺之遂不渡涿水復引歸證三
也武帝滅朝鮮定爲四郡而樂浪郡治仍名朝鮮
其因王險故城可知自朝鮮滅後高麗始興都丸

都城丸江都在北至三國時爲毋邱儉所破王奔南

沃沮魏兵退始移都平壤見朝鮮史略其時樂浪帶方

皆爲魏屬郡不容高麗以喪敗之餘奪其樂浪郡

治證四也是平壤城非王險城審矣古書淵奧城

池流移雖蕃使自言本土亦不能得其詳也